

Число 17.

Ужгород, 1. септембра 1923.

Рочник III.

ВЛАХОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяцъ
каждого 1-го и 15-го.

АДРЕС:
редакції и експедиції:
REDAKCIJA „VLAHOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число 60 К
За границу 20 .. К
До Америки 1 Д.

ОБЯВЛЕНИЯ
принимаются по цѣнѣ
за 1 сторону ... 200 К
за 1/2 сторону .. 120 К
за 1/4 сторону .. 65 К

Папа Пій X. передъ канонизацію.

Церковь Христова е *свяштою*, то значить: церква Христова мала всегда великихъ и святыхъ людей, має ихъ днесъ, а такъ буде и до конца свѣта. Недавно тому Христовъ Намѣстникъ Пій XI. проголосивъ середъ величавыхъ церковныхъ торжествъ блаженными Михаила Гарикота священника, потомъ кардинала Белармина и Тересу маленького Іисуса.

Двацятьосемь кардиналовъ подписало просьбу до святѣйшого Отца Папы Пія XI., въ которой просять, чтобы разпочати процесь за проголошеня Папы Пія X. блаженнымъ и святымъ. Така просьба есть першимъ крокомъ въ довгомъ всесторонномъ выслѣдованю и выпитованю о святости поодинокого Слуги Божого.

Въ той просьбѣ кардиналы споминаютъ, якъ изъ дня на день больше и больше шириться голосъ о святости Папы Пія X. межи вѣрниками цѣлого свѣта. На гробѣ його день и ночь горять дарованѣ свѣчки, а черезъ цѣлый день видѣти тамъ вѣрныхъ изъ всѣхъ сторонъ свѣта, якъ моляться о различнѣ ласки по обѣтованю Папы Пія X. Зъ розличныхъ сторонъ споминаютъ вже многѣ чудеса Пія X. Пригадаеме да котрѣ изъ нихъ:

a) За житя Пія X.:

1. Року 1912. Попросили Святѣйшого Отца двѣ сестры изъ Флоренції, чтобы были принятѣ на окремой авдіенції. Они обѣдвѣ хорвали на невылѣчимой хворотѣ. Святѣйший отець выслушавъ ихъ просьбу, принялъ

ихъ на авденцю, поставивъ свои руки на ихъ головы сказав имъ: „Майте велику надвю на Господа! Вы вы здоровите и будете ще много робити и терпти за славу Божу“. Въ той часъ обѣдвѣ выздоровѣли.

2. Одень отець принесъ зъ собою на авдіенцю до Папы Пія X. своего сына, который отъ рождения бывъ парализований. Коли Святѣйшій Отець поблагословивъ хлопця, онъ выздоровѣвъ и започавъ самъ ходити.

3. Отцу кардинала Мерри-Дель-Вала повернувъ Папа Пій X. даръ говореня.

4. При одной явной авдіенцї одинъ бѣдный чоловѣкъ указовавъ Папѣ свою однѧту (слуту) руку, говорячи: „Отче святий, исцѣлѣть мене“. „Такъ, такъ“, промовивъ Папа смѣючися. Въ той часъ бѣдному чоловѣкови ожила рука. Онъ хотѣвъ кричати отъ радости, але Папа ему заборонивъ.

б) И по смерти Пія X. по его отвѣтованю случаются многѣ чудеса.

1. Дня 7. новембря 1914. по отвѣтованю Пія X. выздоровѣла сестра Пія изъ товариства „Доброго Пастыря“, котра была хвора на туберкулозу (гектику) въ найвысшомъ степенѣ.

2. Осемь мѣсяцовъ по смерти Папы Пія X. по его обѣтованю выздоровѣла З-рочна донька Валентина Алберта, котру лѣкарь проголосивъ мертвою.

3. 1920 р. чудеснымъ способомъ выздоровѣла по обѣтованю Папы Пія X. настоятелька института „Христіянской Науки“ в Нансію в Франціѣ. Лѣкари потвердили то чудо.

4. Кардинал Vives у Тito постановивъ, что по обѣтованю Пія X. чудеснымъ способомъ выздоровѣла одна монахиня изъ Товариства Редемптористовъ, котра хоровала отъ рака въ найвысшомъ степенѣ и т. д.

На таліянскомъ, на французкомъ, на нѣмецкомъ, на хорватскомъ (а певно же и на другихъ языкахъ) находяться вже велики книги о житю и чудесахъ Папы Пія X.

Здається, же Господь Богъ и по чудесахъ слуги своего Пія X. ясно укаже цѣлому свѣту, где и въ котрой

Онъ Церкви перебывае, котра е Церква права, Церква Христова.

Папа Пій X. за своего житя дуже интересувався греко-каθолическою церквою, котра у насъ въ Подкарпатской Руси теперь переживає тяжкѣ часы.

Дорогѣ читателѣ „Благовѣстника“!


Молимся и мы до Господа нашего Іисуса Христа по обѣтovanю Папы Пія X., чтобы якъ найскорше прекративъ тяжкѣ дни нашей св. греко-каθолической вѣры; чтобы намъ удѣливъ великихъ, святыхъ людей, котрѣбы провадили нашихъ вѣрныхъ въ той тяжкай борбѣ и якъ найскорше показали всѣмъ схизматикамъ, же „Съ нами Богъ“. Явно обѣщайме, же за totъ ласки публично подякуеме въ „Благовѣстнику“, а сякъ дастъ Богъ, что 1925 р. пойдеме якъ въ найбльшомъ числѣ на гробъ Пія X., чтобы тамъ передъ цѣлымъ свѣтомъ подяковати Господу Богу за его ласки, котрѣ Богъ намъ надѣлить по молитвахъ Пія X.

Папа Пій X., якъ намѣстникъ Іисуса Христа на томъ свѣтѣ, давъ позволеня приступати часто, а и каждый день до св. Причастія. — Приступайте, читателѣ „Благовѣстника“, до св. Причастія якъ найчастѣйше! Намъ потреба помочи Божої, якої потребовали христіяне въ першихъ вѣкахъ въ часахъ переслѣдованя со стороны поганъ. Мы потребуеме *надзвичайной* помочи изъ неба, яку потребовали нашѣ отцы и прадѣлове въ XVII., XVIII. и XIX. столѣтію въ Россіѣ, подчасъ борбы съ схизматиками. И першѣ и другѣ доставали надзвичайноѣ помочи *по св. Причастію*. Для того ще разъ скажу: Послухайте голосъ Намѣстника Христового на семъ свѣтѣ и пруступайте всѣ до св. Причастія якъ найчастѣйше. Тамъ достанете того, чого Вамъ не дастъ той свѣтъ: и силу, и мудрость и вытревалость до конця у борбѣ съ ворогами Христа и его святой Церкви.

„Кто яко Богъ“ говоривъ Архистратигъ Михаиль у борбѣ съ діяволами. „Кто яко Богъ“ можеме и мы говорити, маючи Іисуса Христа въ св. Причастію. А если Богъ буде съ нами, кто намъ гodenъ пошкодити?

За свою вѣру святу жійте, терпѣть, а если потреба и умерайте! Черезъ Калварію прїдеме до воскресенія!

Пряшевъ, на недѣлю св. Отцовъ VI. Вселенського Собора 1923.
о. Діонізій Няради, епископъ.



Дачто о бородѣ и о довгом волосю. Доста ганьба, что в оборонѣ вѣры и о бородѣ треба дачто писати, но коли шизматики не стыдяться такѣ глупости (не радо уживаеме сесе слово) розширювати межи народом, что „брътый священик николи не зайде в царство небесное“ мусиме пару словами отвѣчати и на сей член шизматицкой вѣры.

Для успокоеня шизматиков пишуеме заявляти, что многѣ священики латинскаго обряда носять бороду. Так на пр. монахи капуцины, августини и многѣ иншѣ; бороду носять монахи латинскаго обряда, котрѣ як місіонеры в Азіи, Африцѣ, в Турціи дѣйствують; бороду носять гр. као. епископы в Галичинѣ, бороду має и Пряшевскій гр. епископ др. Нярадій, бороду носили и носять не однѣ из наших священиков, и на конци бородатѣ суть всѣ нашѣ черцѣ нереформованѣ чина св. Василія Великого. Явный доказ того, что св. Церков наша не забороняє ношения бороды там, где такій звичай пануе.

Для того ци не смѣшное дѣло зависимым здѣлати наше спасеніе от бороды? Ци не ганьба что ради бороды батюшок чеснѣ русины отступаютъ от своей отцевской вѣры? Ци не глупость (знов мусиме уживати сесе слово) продати за бороду батюшки вѣчное спасеніе и stati вѣроломником? Розумный и просвѣщенный народ такое не робить.

Уже стораз плохше стоять шизматики с довгими волосями.

Во что пише св. Павел? „Иди и не самое естество оучить кы, ико мвж'к очко аще класы расгити. везчестіє ємъ есть“. Кор. 11, 14.) А в дѣяніях Апостолских что читаеме? Но иное, як то, что „Пакож же єще прикыкх дни доколи... остригъ глахъ къ Кнїхрепухъ“. (Дѣян. Ап. 18, 18). Брата шизматики ачей не думаете, что св. Павел чось такого зробив, что не было дозволено І. Христом? Або ачей и св. Павел папиш быв? А святых отцов ци хотите учити? Св. Епифаній говорить, что довгое носится „чужое каѳолической Церкви и апостолскому преданію“ (Прот. Мессаліяп гл. 6.).

Зводки взявся также звычай у шизматицкой церкви носити довгое волося? С отвѣтом на сей вопрос на певно не будуть химичитися шизматицъ батюшки. Дѣло стало ся так. Изпершу сябтесь люди довгое волося носили, священики же по примѣру св. Павла стригли волося. В VII-ом столѣтію на Трульском соборѣ бы о установлено (правила: 21, 42, 99.), что священики *пропинивши*ся, на знак церковной кары должны были носити довгое волося, по звычаю простого народа. Такій способ покарання пропинившихся священиков существовав и в Россіи до 17-го столѣтія, як то доказав ученый россійскій историк Е. Голубинскій. Потом набралось такое множество пропинившихся священиков, что настав всеобщий звычай у священиков пустити довгое волося, так что теперь у шизматиков довгое волося мало, что не стало членом Вѣроисповѣданія. Та ци не красну исторію має довгое волося?

До полноти сей исторіи маеме еще додати, что великий церковный собор Московскій держаный м. апрѣля с. г. рѣшив не носити ни довгое волося, ни бороду.

Способ крещенія у шизматиков есть понуреніе, а у нас трикратное обливаніе. Шизматики твердять, что одиноко их способ крещенія есть важный а крещеніе у гр. каѳоликов не есть законное. Что наш отвѣт на сей закид?

Исторія свѣдчить, что уже от самого начала уживалось обливаніе при крещенію. Послѣ первой проповѣди св. Петра в Єрусалимѣ крестися в оден день три тысячи людей. Трудно допустити, что для такого множества людей могли наскоро устроити купальни в городѣ; до того апостолы не мали ни временни ни мѣста, ни доста воды. Не е сумнѣву, что крещеніе тых 3000 людей совершилося одиноким можливым образом, т. е. обливаніем, або окропленіем.

В книзѣ: „Ученіе 12 апостолов“, написанной в I-ом вѣку подається така инструкція. „Что ся тычить крещенія, крестъть так: вымовляйте всѣ слова и имя Отца и Сына и св. Духа и крестъть живою водою. Если не е живой, крестъть иною водою; не можеш холодною, крести теплою. Не е ни тоѣ, ни другоѣ, (для купели) тогды излий на голову трикратно воду в имя Отца и Сына и св. Духа“. (Уч. 12 Ап. гл. 7).

Словом у же коли апостолы жили, дозволено было крестити через обливаніе. В III-ом столѣтію в Африцѣ возник сумнѣв, ци важное есть крещеніе через обливаніе, або держатися треба до понуренія. Св. Кипріян розяснив сумнѣв так, что як крещеніе через понуреніе, так и через обливаніе дає саму ту божественну благодать и указує на слова пророка Іезекіила, кто предвидѣв св. крещеніе (Іез. 36,25). „И воскроплю на вас воду чистѹ и очиститсѧ от ксѧжѹ нечистотъ кашихъ.“

Айбо начто так далеко ити за доказами? И теперѣшня россійска церков признае, что обливательное крещеніе есть ровносильным понуренію, бо ось переходящих из греко або римо-каѳ. вѣры, котрѣ были крещенїе обливаніем, не крестять другій раз. И что больше, в самой россійской церкви в гдекотых мѣстах Волыни и сѣверо-западного края сохранився звычай крестити через обливаніе. (Церк. Вѣст. 1907. ст. 298.).

Для лѣпшого успокоеня шизматиков даем и то, что в требнику латинского обряда выразно написано, что св. крещеніе совершили можно и через понуреніе и через обливаніе и что в миланском обрядѣ и днесъ с понуреніем выслугуєся крещеніе.

Что днесъ из большої части с обливаніем крестять в каѳ. Церкви, то лиш практичнѣ причины має. Дѣтина легко простудиться, може захлебнутися, не выгодно дѣтину розоблѣкати и т. д. Коли и понуреніе и обливаніе однако позволенїе способы крещенія, та тогды чому бы не могла каѳ. Церков выбрать лекшу и способнѣйшу форму крещенія т. е. трикратное обливаніе. Лиш шизматицкое „правдолюбіе“ може ересию обвиняту каѳ. Церков за такій способ крещенія, якій добрым признали апостолы, св. Отцы, христіянскій правѣк, навѣть и сама россійска „православна“ церков. (б.)

„Православно-истиннѣ отцы . . .“

Написав: Дмитрій Кумятскій.

Сими днями быв я в Мараморошѣ. Мараморош красный край, так, что поправдѣ не задарь сіѣвають русины, ож:

Мараморош добрый вариш
Добро у нем жити . . .

Превосходнѣ горы, покрытѣ все зелеными смереками, файнѣ околицѣ, по которых позираючи так наслаждається око чоловѣка.

По сему пріемному Мараморошу ходив я и тогды, коли в Сокирницѣ на штациї в синьой, не дуже чистой „реверендѣ“ увидѣв я одного почтенного „Отца“. Люде обняли его, и с таким смиренным лицем, и с таким довѣрем позирали на него, что се такое вражѣя мало на мене, як бы сіи люде свое спасеніе чекали от „православного попа, православної церкви“. Приѣхала машина и зайдеме в ю, коло мене стане один честный „право-

славный“ вѣрник з Уйбарова и коли он учуе, что я говорю за священство, позвѣдать он мене.

— Водки вы пане?

— Я из далеку!

Айбо *mégis* любив бим знати звѣдае дале.

Чому звѣдаете?

Та лиш. зато, бо чую, что вы за священников говорите.

Та говорю, ибо так ми мерзко, коли поповераю на таких „попов“, як вашъ „православнъ, отцы“, которых лиш так „покроплять“ по вашему „попувському“ обряду.

— Но пане, се уже не кажѣть, нашъ попы справадливъ попы.

— Вашъ справедливъ у вас, но не суть тоты у нас и спред других людей. Та кажѣть лиш брате, что вы думаете, что е то священник?

— ІІто! Та кто службу служить и в попувськѣй одежи ходить.

Та нѣть брате! Ибо и вы можете зайти до церкви в чорном „сукманѣ“ и можете кончiti литургiю, ноproto вы не будете священником.

Но, я сie знаю, что я не буду, ибо я не достойный на се — отвѣчае менъ мой брат.

— Видите солодкий, сie дуже'сте добрѣ сказали.

Видно, что вы благочестивый человѣк. Ай скажѣть менъ, чим достойнѣйшій е хотъ котрый „ваш отец“, як вы? Видав зато, что вы есте земледѣлец, а они были древорубальники, або кочишъ у унiатських попов? Та кажѣть лиш ци думаете вы то, что найдеся истинный владыка, который бы посвятив без жадної науки за священника — хотя и шизматицкого — одного древорубца, або кочиша?

— Та кто каже, что нашъ попы суть кочишъ?

— Я! Прошу вас брате!

Поставте их в ряд, и будете видѣти, что почавше от Кабилюка, кто е ваш голова май же всѣ без школы суть. Та где кончили они гимназiю, або богословiє? Где ходили на тeологiю! Между ними суть ученъ? Один дяк, один учитель, айбо лиш курсистъ-учитиль, который на курсѣ в Ужгородѣ не знав потолковати учителям: что е розлука между смертелним и отпустительным грѣхом, на то сказав: *то вѣсo одно*.

— Ай Боже, та ци се правда?

— Я вам могу досвѣдити!

Но та теперь кажѣть, ци спокойно сповѣдаетесь вы у сих „попов“? Ци знаете вы то, что хотъ лем с вартостiю суть посвя-щеннъ вашъ „Отцы“? Ци видѣли вы їх документы, кто и где, котрый владыка посвятив их. Бо то не е доста водою покропити кочиша, або земледѣлца такого, кто знае мало читати. — Я не знаю, но думаю, что между вашими попами суть и такѣ,

котрѣ лиш носять на собѣ „чорный сукман“, и то думають, что если е довга борода с циганским волосом, та тогды вже готовый е „іерей по чинѣ мѣхизедех“. Не е се так брате?

— Боже, та мы на сякое и не думаеме!

А на то, ци думалисте, что вы идете до церкви, там „вашъ православнѣ отцы“ кончать литургію, котру кончити не мають власти, и вы брате умоляете звычайный хлѣб и вино, и мечете поклоны сперед ідолом, ибо *не кождый має власти перемѣнити хлѣб и вино на тѣло и кров Господа нашего Іисуса Христа.*

— Но та я на сем еще не размышляв, каже мой брат.

— Брате, а на то ци гадали вы уже, что кто не е с вартостю посвященный, тот и грѣхи не може отпустити, и станеся, что человѣк е на смертельной постѣли, и „Отец“ розгрѣшить его, но не властю от Бога данного, но лиш такою, котру ему дали с кропленіем тогды, коли его, як вашъ вѣрники кажуть — побрыскали водою з Іерусалима принесеною.

— Я за сяку воду еще не чув.

— Но я чув! Менѣ приказовав один человѣк из Изы, что у вас суть там такѣ воды, котрѣ „из гроба Іисуса Христа суть принесенѣ из Іерусалима“ и тою водою доста „побрыскати“ на пр. покрытия умертвого, и тогды и не нужно кончити погребеніе.

Но се не е важное! Важно то, что: *истинный священник е тот, котрого истинный епископ властю от Бога данною посвятить. А ид сему потребное е способное выхованя для священнического стану и науки богословскѣ. Если се также сяк е, тогды не можливо 30 рочных кочишов „покропити“ за истинных попов.*

А если суть такѣ, тогды се е певным доказом вашоѣ церкви, котра сим лише то досвѣдчить, что не православна истинна добра церквов, но и дуже кривославна.

Знаете што брате! Пойдѣть до дому и позвѣдайте вашего „священника“ где он ся учив где быв посвященный. Зато он не буде ся сердити, ибо се не е ганьба. А если се не докаже, тогды вы брате глубше есте в темнотѣ як в Азії, ибо вы уже были истинный християнин, и ~~теперь~~ сталисьтеся ворогом истинной вѣры и Христа.

Не забудьте, что истинна церквов е „едина, свата, соборна и апостольска церквов“, в которой суть истиннѣ попы, но тѣ суть с наукою, а выхованьем, и не суть из старых кочишов и древорубцев.

* * *

Из сим пак и докончили'сь ме. Говорили бы были'сь ме и

дале, по прийшов Густ, и мой брат злѣз и пошов. Я довго позирал за ним и токмо на то думав, ба ци позвѣдать мой брат, „крайній православный вѣрник“ своего отца за его науки, и за его освяцѣнія.

Як промовляє одна мати французска до свого маленького сына?

„О кобы я мог быти священиком, чтобы всѣм давати Іисуса!“ таким окликом высказав ты одного дня, мой сыноньку, желанія твоїй дитячої души. Мое материинське серце дрожало од радості, коли я почула твои слова.

Мой сину! Мой маленький священнику! Я там у твоем дитичом серденьку дogleянула так чисту любов до Твого Учителя Іисуса!

Твой учитель Іисус схилився до тебе, еще так малого. Тобѣ, такому маленькому, шепнув солодко и з довѣріем: „Ходи за мною! — и ты вже як малое дитя порозумѣв милое вызвання Іисуса, твого учителя.

Великѣ, розумнѣ, говорять: „Что такій малый знає? Он ще не дорос до того, чтобы выбирати собѣ званя“.

Але ты, мой коханий, ты позволив свому серцю промовляти до Іисуса; тому серцю, яке зачало широко отвиратися для Іисуса, свого Учителя; — серцю, яке по твоем бажаню має быти як лелійка чистое-псвинное и цвѣсти лиш для Іисуса. И тому, что ты быв малым дитятем, что твое серденько чистое и праведное, тому порозумѣв ты вызвання Іисуса, — ты порозумѣв Его мову, яка нераз и старшим непонятна.

Ты сказав: „Іисусе, наколи Ты хочеш, то и я хочу быти Твоим священиком. Пойду помагати другим до познання Тебе, приводити до Тебе тых, котрѣ Тебе не знаютъ, або котрѣ Тебе забыли. Я буду носити Тебе до них, роздѣлювати св. Причастія, тай розширювати всюда почитання Тебе в Пресв. Евхаристії. Знаю, о Іисусе, что коли стану Твоим священиком, буду мусѣти оставити нянька и маму, покинути родну хатину, лишити всѣо, быти самим, не мати нѣкого близького свосму серцю. Може буду мусѣти одйти далеко; може самотно умерти в забытю, в краю незнаном, в многих терпѣнях. Але чим е то всѣо, коли то для Тебе, Іисусе? Я хочу быти сам, бо Ты Іисусе тодѣ будеш наповняти мое сердце“.

Видиш мой сину, як ты говорив до Іисуса! А ты быв тодѣ ще малым дитятем — и старшѣ казали, что ты еще не маеш богато розуму.

Однак тіи старшѣ не знали, не розумѣли того. Я то розумѣла. Я знала, что ты кожного дня раненько вставав и спѣ-

шив до церковцѣ, чтобы принятии до свого сердця свого доброго Учителя. И од той ранной дороги не здерховали тебе нѣ горяч, нѣ студѣнъ, нѣ вѣтер, нѣ снѣг — а Іисус наймилѣйший в Пр. Евхаристіѣ отвирав твой розум, чтобы ты познав, что се значить быти священиком.

Евхаристичный Іисус будив в твоем дѣточом серденьку жажду спасати души, тай ты своею дитинячою мовою промовляв до мене: „Я радо хочу терпѣти, чтобы позискати души для Іисуса. Я еще малый, але я вже можу быти малым мисіонарем. Можу росказовати другим дѣтям, якій Іисус добрий и як они мають приходити до Него“.

Ты рос, а то вызваня в Твоей души было все яснѣйше, все живѣйше. З твого сердця вырывалися зотханя: „О як добрий Іисус, мамочко, а як мало Его люблять! Я так бажав бы любити Его много, много больше!“

И Іисус дав тобѣ закоштовати, як солодко Ему служити, а ты, мой сыну, говорив: „Я бажав бы бавитися лиш небесными рѣчами, а оставити все, что земское“.

Коли я слухала тых твоих слов, мое дѣтя, мой маленький священику, в моїй души розпалювалася любов и подяка для Бога, бо тым доказав ты, як добрым е Іисус.

А я, твоя мати, безперестанно виджу, як ты ростеш. Виджу не лиш се, что росте твое тѣло, але понад все виджу, як душа твоя росте для Іисуса. И я говорю до Іисуса, нашого Учителя: „От се мой талант, который Ты менѣ повѣрив. Ци жертвовала я Тобѣ его, чтобы принес Тобѣ зыск сторичный?“

Здається менѣ тогды, что наш Учитель схиляєся до мене, а в Его лагодном оцѣ читаю одповѣдь: так.

Рости, рости, мой любий сыну, мой священику.

Най росте твоя любов и твоя жажда спасати души. Най сердце твое образуєся на Сердцю твоего Учителя. Най сповниться до краю твое дѣтинячое желаня, здобыти для Іисуса много душ.

Я твоя мати оддала тебе Іисусови, который поручив менѣ образовати твое тѣло и душу.

И се я молю Его, чтобы в замѣну за то, учинив мене доброю матерію душ, котрѣ ты, мой сыну, допровадиши до Него.

Най так буде!

Мати.

Приближають ся сельскѣ выборы; честный русин — христіянин — лиш на такого буде голосовати, за кого знає, что есть добрым христіянином и не продастъ вѣру свою. Наш христіянскій дух и в политику треба занести, чтобы не пановали над нами безбожники и шпіматики.

НОВОСТИ

Коли малое село зробить великое дѣло... На небѣ шапою истиною православноѣ каѳолическоѣ Церкви темнѣ хмары ходити, из которых часто паде нас знищiti хотяїй дождь. В шапом крігѣ бездушнї „бунтовщики“ извожують наш любимий народ с всякими діявольськими бесѣдами и хотять перевести в свою „руську православну“ церков. Но прости „добра“ и русинам „полезна праця“ не удастся всягды, ибо суть еще все такѣ вѣрники, котрѣ стоять на основѣ щирої Христової, и знаютъ и жертвою указовати свою щиру любов к Іисусу Христу. Сесѣ люде суть обыватель села Крайникова в жупѣ Мараморошской. Сесе село там е обнято шизматиками, „отцы“ „истинноѣ“ кривославноѣ вѣры непрестанно и по двое посѣщають людей сего села агитуючи и збираючи „подписы“ до своеї церкви. Но задармо, ибо сіи вѣрники не дали ся извести „дроворубачам“ и „кочѣшам“ но дали знак своеї крѣпкої вѣры 12/VIII. р. 1923, коли отбылося даже торжественное посвященія новых звонов. Коло полудня уже исходилися вѣрники из величезными процесіями из далеких уніятських сел, котрѣ так красно спѣвали „О Маріе Мати Боже пречиста!“ У 3 години зазвонили и почалася вечерня, по которой слѣдовало посвященія звонов. Звоны святили О. Петро Медвецкій, окр. намѣстник, с которым служили еще О. Иван Грабар, парох и Димитрій Попович, проф Бесѣду держав також О. Медвецкій который красно потолковав значенія звонов.

Три звоны святили О. Намѣстник нараз, ибо малое село зробило великое дѣло. Ока не осталися без слез, коли проголосили новѣ звоны. Маленькое село, мала громада, в которой тѣлѣ також грызе уже „червак православный“, но лиш в малой часточцѣ хвала Богу! Другѣ суть крѣпкѣ, истиннѣ, православнѣ христіяне, которых добру волю, щиру любов, горяче любяче сердце непрестанно будуть разпространяти новѣ три звоны. Торжество закрыв красный: „Слава въ вышныхъ Богу“, котрого голос быв живою демонстрацію крайниковских вѣрников, которых най подержить Бог в истинной Церкви с Іисусом Христом, Всѧ село, айбо особенно куратор Михайл Колчар, сѣльський староста, Димитрий Вайнагій и Михайл Кошан ма-ли особенно велику заслугу в приобрѣтенію звонов.

Дав бы Бог, чтобы сей красный примѣр голосно проповѣ-

дав нашу правду и воззывав нашѣ вѣрники на добре и пров-
казав: Як треба любити Ісуса Христа, вѣру и
въсѧо чо побожное.

Присутный.

— **Упадок россійской схизмат. церкви в Америцѣ.** Теперѣшнѣ часы дѣйстно досвѣдчили, что россійское „право-
славіе“ по правдѣ „цареславіе“ было, ибо як факты указуютъ,
со упадком царизма во Россіи, упала и россійска православна
вѣра не токмо во Россіи но даже и во Америцѣ. Извѣстный
факт, что колишня царска влада со огромною суммою подпор-
вала американскѣ „православнѣ“ миссіи, котрѣ со помочію руб-
лей царских велику пропаганду робили между греко-кафт. истинно-
православными руськими вѣрниками во Америцѣ. Однако напро-
тив своих несправедливых средств борьбу рѣшительно утратили.
Теперь же по упаденіи царскої влады и аристократіи со утра-
ченiem материальности помочи конечно ослабли. Духовниковъ своих
без „царских рублей“ не могутъ або не хотять порядочно
платити так, что они принужденны во фабриках робити каждо-
денно — из большей части — слѣдовательно успѣшно пасты-
ризациі не можно од тых чекати. Церкви их утратили материальну
и моральну помочи русских фабрикантов и капиталистов вслѣд-
ствіе уничтоженія маєков их большевиками во Россіи. Но
утратили приблизительно и половину вѣрниковъ своих роботни-
ков, котрѣ стали под вліяніем большевицкої Россіи большеви-
ками, анархистами, нигилистами, членами живої россійкої
церкви или конечно невѣрными. Упадок их великій и загальний.
То свѣдчать слѣдуючѣ факты: 1. Новѣйше ани одиницѣ ани гро-
мады не переходять з наших гр.-каѳ. руских вѣрников на схизму во
Америцѣ. 2. Из россійских місіонаров од переворота 19 перей-
шло на греко-кафт. вѣру. 3. Из среди схизматических вѣрников
богато приходить назад у гр. каѳ. истинно православну церков.
4. Не токмо одиницѣ, но даже громады-парохіи из церкви. На
пр. Клевланд, О. Лейквуд, О. Батлер Па., Першаполис Па., Лин-
дора Па., и т. д. Словом ложное православіе конає так у Россіи,
як и во Америцѣ. А наши заблужденнѣ братя Русины во Мара-
мороши сіе еще не видять?

П. Д.

— **Батюшка в арештѣ.** В с. Осой было не давно благосло-
веніе звонов гр. каѳ. церкви. На торжество пришов и шизматицкій
батюшка из Бѣлок с тым намѣреніем, чтобы он посвятив звоны.
Высланна жандармерія возвала батюшку, чтобы отдалився из
села. Но он не повиновався и звертаючися до шизматицкой товпы
что им зказав. На се дика шизматицка товпа пустилася до
церкви и хотѣла насилою занести ю, но жандармерія розогнала
их и батюшку повезли до арешту. Обжаловаючий сенат зарядив
пустити его на свободу, но судова табула постановила лишити
батюшку в темницѣ и на дале. Одним разом суд выповѣв, что
батюшки, котрѣ не мають ческословацкого горожанства посля

закона 43. из 1895. року не можуть кончити жадних церков-
них отпраff. На основѣ сего рѣшения шизматицкій батюшкa не
 має права быти туй приходником, не може выдавать вытяги
 из метрики (крестный лист) не может правосильно вѣнчать
 дѣти из такого супружества суть незаконными и т. д. На Сло-
 винкіи па интервенцію еп. Нярадія адміністраційнѣ уряды уже
 запорядили, что такѣ супружества суть неважными и батюшкам
 не дозволяютъ отправляти богослуженя. Звертаеме увагу нашим
 священикам па выснепомянутый закон с тым, чтобы сейчас
 званили прокураторіи (Ужгород або Берегово) если такій прой-
 дисиут смѣje як священик „дѣйствовать“ на територіѣ их парохії.

Головнослужжный в „роботѣ.“ Кто еще сомнѣвався,
 что деяотрѣ урядники не занимаются с подпераніем „твердой“
 вѣры, той пай читае, что ся стало в Луковѣ (ж. Берег). Там
 мимо всяких усилий агитаторов не удалось звести село на
 святое „православіе“. Люде чесно и ревно стояли в защите гр.
 като. вѣры и лиш мала гуртка людейступила на Юдину дорогу.
 Но скоро пришов шизматикам на помоч головнослужжный п.
 Душек. 29-го юлія без звѣданя и знаня и гр. католиков, доки
 они в церкви отправляли Богослуженіе письменно передав вѣро-
 ломникам гр. като. церковну школу. Та ци треба еще коментара
 до сей безочливости? Та коли уже головнослужжный ногами
 топтаe законы, та тогда як смѣje правительство жадати от горо-
 жан, чтобы повиновалися законам? Такѣ одинницѣ як п. Душек
 можуть под коротким часом привести републику до совершен-
 ного безладу и упатку. Желаеме и требуеме — не переложити
 па другое мѣсто, бо там бы знов „дѣйствовав“ —, но просто
 отпустити из службы, такого „урядника“.

— Еще оден батюшкa в арештѣ. Айбо сесь уже не за-
 таку „дробницю“. Неборак батюшкa як неженатый злакомився
 на скотов и сними провадив всякѣ свинства. Се называesя
 „содомею“ и в катехизмѣ зачислено межи грѣхи „до неба вop-
 ючѣ“. Имя сего „твердого православного“ попа М. Басараб и
 осужден быв мѣсяца мая 1923 в Мукачовѣ на вязницю на 3
 мѣсяцѣ. До сей вѣсти дѣйстно не треба ничего додати; говорить
 она доста за себе и за тых дурных русинов, которым еще все
 любиться „тверда“ вѣра и волосатѣ батюшки.

— Гусопас и его вѣрники. В Русском, где „тверда
 вѣра“ пануе, на праздник Сош. Св. Духа пришов „отправу“
 кочити из Горонды батюшкa Бѣляка (теперь уже Бѣлякоффъ).
 Говорять за него шизматики, что „дуже“ ученый. Та дебы не
 быв ученый, коли богословіе кончив коло гусей в сеть Русском,
 а высшѣ науки пріобрѣв коло свиней, як сельскій кондаш. (Ta
 ци не доста из науки одному „православному“ попови?) Ож-
 якій он поп тепер, то не знаеме, но что добрый гусопас быв
 то уже раз святос. Так переробив тотъ гуси на свої руки, ож-

коли въ Русъком из церкви с процессиею выйшов — Бог знає вотки — цѣлое стадо гусей выбѣгла из одного двору ему на встрѣчу и приключилися к торжественному походу. Дѣстно красный вид быв! Бѣляка на серединѣ, перед ним его давнѣ, но щирѣ вѣрники, гуси, а за ним новѣ овци, шизматики. Та еще бы дакто казав, что батюшки не мають „душевных радостей“?

— Шизматики въ Уличъ-Кривомъ не успокоилися. Бунтовали, баламутили народомъ, фанатизовали, такъ же теперь голосятся страха ради „бунтовниковъ“ у своего дотеперійшого священинка а заявляютъ выступъ изъ правос. гр. кафт. вѣры и переступаютъ на фотіянску. Чтобы чимъ больше число было ихъ, позбирали и слабоумныхъ (5). Коли прійшли голоситися до о. Юля Роговкого уличскаго сотрудника, не могли въ Уличѣ 2 свѣдковъ найти. Нихто не хотѣвъ имъ свѣдѣтельствовать. На конецъ коли не могли обсягнути то съ языками, обсягли съ гроши 2 особы пріяли факторство у которыхъ вѣра таожде выгасла, что видно изъ того, же коли ихъ люде ганьбили, тогды оденъ изъ нихъ сказавъ: „Я за 100 корунъ пойду и до пекла!“ Передъ и по заявлению напоминавъ ихъ о. Ю. Роговскій нанаслѣдки выступу и толковавъ имъ клятву изъ старашнихъ словъ Бога небеснаго: „Проклять всякъ человѣкъ и же не пре-будеть во всѣхъ словесѣхъ закона сего, еже творить я“. (Второ зак. LXVII. 26). Но дика и фанатизована товпа, а 5 слабоумныхъ изъ того лишь сміялася, и кричали: „лемъ най прійде на Криве еще разъ та съ камѣньами забьеме го“. Файна то вѣра Фотіянска котра такъ розширяе большевизмъ.

— Церковное вименованіе. Преосвященый епископ Антоній выименовав о. Товт Николая до Ракошина, о. Кравчик Ивана до Берегового, о. Андор Вилонда за военскаго духовника, о. Желтай Стефана до Ластовца, Стефана Легезу до Илници, о. Михаил Лейнера за сотрудника до Ужгород-Цеголни о. Александра Сабова до Скотарского. Титуларными намѣстниками выимено-ванъ о. Іоан Дрогобецкій и о. Сіон Сильвой; о. Виктор Петричко II-им намѣстником до ок-

руга Бежовскаго. О. др. Ю. Гаджега выиманований директором ужг. женской семинаріи.

— Упокоилися п. Гавріїл Ильницкій духовних из Илници 18-го августа в роцѣ 68-го своего житя в Бозѣ упокоився. Блажен-ный ему покой!

— Реформованъ. Василіянѣ перебрали ужгородскій монастырь и уже от 1-го сентембра они будуть управителями интерната. Дотеперѣшній игумен монастыря о. Теоф Скиба ступить в нопицят Мукачевскій.

Рок 1923.

„БЛАГОВѢСТНИК“

Сторона 259.

— Митрополит Шептицкій дома. В началѣ мѣсяца августа с дозволом польского правительства рушився митрополит Шептицкій из Рима, до Львова. Сея вѣсть радостю сповнить сердце каждого русина гр. каѳолика, бо львовскій митрополит быв и есть щирым патриотом русского народа и ревным борцем церковного соединенія. На его привѣтаніе спѣшить и Благовѣстник и желае ему еще довго дѣствовать для блага русского народа и св. гр. каѳ. церкви.

— Возваніе !!! Прошу всѣхъ — тѣхъ котрѣ приходять на Колчово Длуге, *своѣ офферы окремѣшине дати руському куратору, або на мой адресъ, ибо кедь не дасте такъ, мы дуслаки изъ того анъ единого гелера не достанеме*, ибо заберуть другого обряда вѣрники, такъ якъ то и до теперь робили. На сіе прошу и нашихъ американскихъ братовъ, чтобы на мой адресъ заслали офферу, такъ якъ до теперь заслали 3500 коронъ.

Сачуровъ 1923. авг. 11.

о. Augustin Hegedüs
грек. к. rusky рапоч

— Великій церковный собор „православный“ приготовляется в Царгородѣ, на котором порѣшенѣ будуть слѣдуючѣ вопросы: скороченя литургіи, другое супружество священиков, церковнѣ свята, отношеніе до каѳолической и англиканской церкви, посты, священича одеж, ревизія литургійных книг и т. д. Новый календарь уже запровадженый. Дав бы Бог чтобы

оторванѣ от нас восточнѣ братя на сем соборѣ ступили на путь соединенія с вселенскою Церковію.

— **Большевики удурѣли.** На одном зѣздѣ россійской большевицкой молодежи проектировано было запровадити праздник большевицкій под именем: „День одстраненого Бога“. Праздник мав бы быти на самое свято Рождества Христового. Та уже так глубоко упала колись могучая и богобойна Россія? Се може дяковати своимъ жидовскимъ вождамъ котрѣ позбавили его на амперед от маєтка а теперь от Бога.

— **Спростовання.** В одной из послѣднихъ чисель нашей газеты принесли вѣсть, что в Кленновом от Мандрик Іосифа украли якѣсь церковнѣ грошѣ. Радостно констатуеме, что наша вѣстка не отповѣдае правдѣ, бо у п. Мандрика николи не стояли церковнѣ грошѣ. Злодѣѣ правда что ходили у него и обокрали его, но се его — як он пише нам — его приватное дѣло.

— **Вѣрный сын** нашей гр. каѳ. церкви *Куля Иван* селянин из Русского упокоився. Усопшій аж до посѣдной минутѣ своего житя зостав вырнѣм до своей отцовской вѣры. На похоронѣ его в великомъ числѣ появили ся и шизматики, отдати послѣдну честь сему вѣрному борцови гр.- каѳ.- правосл. вѣры. Блаженый покой желаеме ему и неувядаемый небесный вѣнец за его геройну вытревалость!

Короткѣ вѣсти. 22-го юлія поїхали члены „Орла“ до Парижа на всесвѣтный з'їзд. — В Кошицях посвятили нову церков баптистов. Баптисти мають до тепер 16 вѣрників. — Извѣстный японскій писатель и университетскій професор *Мики* став католиком. — О. Волошин вѣбран предсѣдателем славянских журналистов Подк. Руси. — В Загребѣ великий евхаристичный конгрес быв, на котром присутный быв и сп. Нярадій Апостолскій нунцій Мармаджі на авдиенції быв у римского отца. Из Рѣму прямо поїхав до Праги.

НА ФОНД „БЛАГОВѢСТИКА“.

Въ тяжкой, неразъ мученическою силы потребуючай днешной пасторизаціи за майльшого помочника оцѣнюю „Благовѣстника“. Розвитіє того изъ сердця желаю и всѣми силами своими ширити буду. Хотяй днесъ тяжко живеся, мимо сего на фонд посилаю почтою 100 Кч. и прошу Господа Бога, обы вамъ давъ силы чимъ больше душъ спасти, укрѣпiti и изъ блуда вывести могли.

Вышиѣ Верецки, 6. VIII. 1923.

о. Василій Ларь.

Пр. О. Редактор! Приложно засилаю дарунок о. Стрипского, нагорода за науку религії, котру он изъ широго сердця жертвую на фонд Благовѣстника во суммѣ 34 К. 60 г. Ся жертва тым цѣннѣйша, ибо вышѣ згаданий духовник якоже доходка од вѣрників нѣ має и во тяжком матеріальному положенію находитъся. Най Бог пріиме его дар!

Слава Іисусу Христу!

Д. Митрович.

На фонд „Благовѣстника“ даровали:

О. Навел Манайло 25 кч. — „Паломник“ 50 кч. — о. Валилій Ларь 100 кч. — о. Е. Стрипскій, Калина 34·60 кч. — О. Ем. Невицкій, 2 доли.

РЕРЕПИСКИ РЕДАКЦІИ.

Е. Хр. В слѣдуючом числѣ выйде!

Л. П. До сих пор еще никто не зголосився в редакції.

М. І. Передовсѣм пишть до нас раз на всегда по руськи. Ваших угроз нѣ боимся. Будьте спокойнѣ.

Іосиф Бокшай, проф. гімн. и маляр-художник подпринимає всякъ малярскѣ работы, як вымальованія церквей, иконостасов, и т. д.

Адресса : J. Bokšay, Užhorod, Kapt. u. č. 10.

РЕДАКТОР-ИЗДАТЕЛЬ :
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР :
ЕМИЛІАН БОКШАЙ.